

唐  
音  
統  
籤

辛籤十五蒙求

唐音統籤卷九百六十四

鼎公武曰蒙求三卷唐末五代人李瀚撰經史善惡事實兩相比為韻語取蒙卦童蒙求我之義名其書蓋以數學重云今合為一卷瀚亦作泮里關前見雜詩中

王戎簡要裴楷清通孔明卧龍呂望非熊楊震關西下寬易東謝安高潔王導公忠匡衡鑿壁孫敬閉戶鄧都蒼鴈寧成乳虎周嵩狼抗梁冀跋扈卻超聶參王珣短簿伏波標柱博望尋河李陵初詩田橫威歆武仲不休士衡患多桓譚非讖王商止訛秘呂命駕程孔傾蓋劇孟一敵周處三害胡廣補闕袁安倚賴黃霸政殊梁集治最墨子悲絲楊

朱泣岐朱博烏集蕭芝雉隨杜后生齒靈王出毘  
賈誼忌鵬莊周畏犧燕昭築臺鄭莊置驛璫靖二  
妙岳湛連壁却詵一枝戴馮重席鄒陽長裾王符  
逢掖鳴鶴日下士龍雲間晉宣狼顧漢祖龍顏鮑  
靚記井羊祐識環仲容青雲叔夜玉山毛義捧檄  
子路負米江革忠孝王覽兄弟蕭何定律叔孫制  
禮葛豐刺舉息躬歷詆管寧割席和嶠專車時苗  
留犢羊續懸魚樊噲排閭辛毘引裾孫楚漱石郝  
隆曬書枚臯詣闕克國自贊王衍風鑒許邵月旦  
賀循儒宗孫綽才冠太叔辨洽摯仲辭翰山濤識

量毛哢公方袁盎却座衛瓘撫床子公高門曹泰  
趣裝庶女振風鄒衍降霜范丹生塵晏嬰脫粟詰  
汾興魏鬻令王蜀不疑誣金卞和泣玉檀卿沐猴  
謝尚鴈鵠泰初日月李野陽秋荀陳德星李郭仙  
舟王蠅繡被張氏銅鈎丁公邁戮雍齒先侯陳雷  
膠漆范張雞黍周侯山嶷會稽霞舉李布一諾阮  
瞻三語郭文游山袁宏泊渚黃琬對日秦必論天  
孟軻養素楊雄草玄向秀聞笛伯牙絕絃郭槐自  
屈南郡猶憐魯恭馴雉宋均去獸廣客蛇影殷師  
牛鬪元禮模楷李彥頤袖魯褒錢神崔烈銅臭梁

竦廟食趙溫雄飛枚乘蒲輪鄭均白衣陵母伏劍  
軻親斷機齊后破環謝女解圍鑿齒尺牘荀勗音  
律胡威推繭陸績懷橘羅含吞鳥江淹夢筆李廌  
清貞劉麟高率蔣詡三逕許由一瓢楊僕移闕杜  
預建橋壽王議鼎杜林駁亢西施捧心孫壽折腰  
靈輒扶輪魏顆結草逸少傾寫平子絕倒澹臺毀  
壁子罕絳寶東平為善司馬稱好公超霧市魯般  
雲梯田單火牛江適蕪雞蔡裔殞盜張遼止啼陳  
平多轍李廣成蹊陳遵投轄山簡倒載淵客泣珠  
交甫解佩龔勝不屈孫寶自劾呂安題鳳子猷訪

戴董宣疆項翟璜直言紀昌貫蠶養由號猿馮衍  
歸里張昭塞門蘇韶鬼靈盧克幽婚震畏四知秉  
去三惑柳下直道叔敖陰德張湯巧詆杜周深刻  
三王尹京二鮑糾慝孫康映雪車胤聚螢李充四  
部井春五經谷永筆札顧愷丹青戴逵破琴謝敷  
應星阮宣杖頭畢卓甕下文伯羞鬻孟宗寄鮓史  
丹青蒲張湛白馬隱之威鄰王修輟社阮放八雋  
江泉四山華歆忤旨陳群寢客王濟懸刀丁固生  
松姜維瞻斗盧植音鐘拒溫奇骨鄧艾大志楊修  
捷對羅友默記杜康造酒蒼頡制字樗里智蒙澄

韶經笥滕公佳城王果石崖買妻耻醮澤室犯齊  
馬后大練孟光荆釵顏叔秉燭宋弘不諧鄧通銅  
山郭况金穴秦彭攀轅侯霸卧轍淳于炙轆彥國  
吐屑大真玉臺武子金埒巫馬戴星宓賤彈琴郝  
廉留錢雷義送金逢萌掛冠胡昭投簪王喬雙鳬  
華佗五禽程邈隸書史籀大篆王承魚盜丙吉牛  
喘賈琮塞帷郭賀露冕馮媛當熊班女辭輦王充  
閱市董生下帷平叔傳粉弘治疑脂楊寶黃雀毛  
寶白龜宿瘤採桑漆室憂葵童賢滿籬夏侯拾芥  
阮簡曠達袁耽俊邈蘇武持節鄭衆不拜郭巨將

坑董永自賣仲連蹈海范蠡泛湖文寶緝柳溫舒  
截蒲伯道無兒嵇紹不孤綠珠墜樓文君當壚伊  
尹負鼎寧戚叩角趙壹坎壈顏驄蹇剝龔遂勸農  
文翁興學晏御揚々五鹿嶽々蕭朱結綬王貢彈  
冠龐統展驥仇覽栖鸞葛亮顧廬韓信升壇王褒  
栢慘閔損衣單蒙恬製筆蔡倫造紙孔伋緼袍蔡  
遵布被周公握鬚蔡邕倒屣王敦傾室紀瞻出妓  
暴勝持斧張綱埋輪靈運曲笠林宗折巾屈原澤  
畔漁父江濱魏勃掃門潘岳望塵京房推律翼奉  
親性甘寧奢侈陸凱貴盛干木富義於陵薛聘元



凱傳癖伯英草聖馮異大樹千秋小車漂母進食  
孫鍾設瓜壺公請天薊訓歷家劉玄割席晉惠聞  
墓伊籍一拜鄙生長揖馬安四至應璩三入郭解  
借交朱家脫急虞延剋期盛吉垂泣豫讓吞炭鉏  
魔觸槐阮孚臘屐祖約好財初平起石左慈擲杯  
武陵桃源劉阮天台王儉墜車褚淵落水季倫錦  
障春申珠履甄后出拜劉楨平視胡嬭爭襦晉武  
傷指石慶數馬孔光溫樹翟陽隱操許詢勝具優  
旗滑稽洛下曆數曼容自免子平畢娶師曠請耳  
離婁明目仲平照鏡臨江折軸樂巴嚙酒偃師舞

木德潤傭書君平賣卜叔賢玉潤彥輔冰清衛后  
髮鬢飛燕體輕玄石沉湎劉伶解醒趙勝謝燮楚  
莊絕纓惡來多力飛盧善走趙孟疵面田駢天口  
張憑理窟裴顧談藪仲宣獨步子建八斗廣漢鉤  
距弘羊心計衛青拜幕去病辭第酈寄賣友紀信  
詐帝濟叔不癡周兄無慧虞卿擔簦蘇章負笈南  
風擲孕商受斲涉廣德從橋君章拒獵應奉五行  
安世三選相如題柱終軍素繻孫晨藁席原憲桑  
樞端木辭金鍾離委珠季札掛劍徐穉致芻宋雲  
折檻申屠斷歡衛玠羊車王恭鶴氅管仲隨馬蒼

舒稱象丁蘭刻木伯瑜泣杖陳達豪興田方簡傲  
黃向訪主陳寔遺盜龐儉鑿井陰方祀竈韓壽竊  
香王濛市帽勾踐投醪陸抗嘗藥孔愉放龜張顗  
墮鵲田豫儉素李恂清約義縱攻剽周陽暴虐孟  
陽擲瓦賈氏如臯顏回簞瓢仲蔚蓬蒿糜竺收資  
桓景登高雷煥送劍呂虔佩刀老萊斑衣黃香扇  
枕王祥守柩蔡順分棹淮南食時左思十稔劉惔  
傾釀孝伯痛飲女媧補天長房縮地季珪士首安  
國器陸玩無人賈誦非次何晏神伏郭奕心醉  
常林帶經高鳳漂麥孟嘉落帽庾凱墮幘龍逢板

出張華台拆董奉活樊扁鵲起號寇恂借一何武  
去思韓子孤憤梁鴻五噫蔡琰辨琴王粲覆棋西  
門投巫何謙樊祠孟嘗還珠劉昆反火姜肱共被  
孔融讓果端康相代亮陟隔坐趙倫鵠恠梁孝牛  
禍桓典避馬王尊叱馭晁錯峭直趙禹廉倨亮遺  
巾幘備失七箸張翰適意陶潛歸去魏儲南館漢  
相東閣楚元置醴陳蕃下榻廣利泉湧王霸永合  
孔融座滿鄭崇門雜張堪折轅周鎮漏船郭伋竹  
馬劉寬蒲鞭許史侯盛韋平相延雍伯種玉黃尋  
飛錢王允千里黃憲萬頃虞駿才望戴淵峰穎史

魚黥殯子囊城郢戴封積薪耿恭拜井汲黠開倉  
馮驩折券齊景駟千何曾食萬顧榮錫矣田文比  
飯稚珪蛙鳴彥倫鵲怨庶頗負荆須賈擢髮孔翊  
絕書申嘉私謁淵明把菊真長望月子子房取履釋  
之結戰蕭史鳳臺宋宗鷄憲主陽囊衣馬援蕙苒  
劉整交質五倫十起張敞畫眉謝鯤折齒盛彥感  
糟姜詩躍鯉宗資主諾成璿坐嘯伯成薛耕嚴陵  
去釣董遇三餘黠周獨笑將閭仰天王王陵呼廟二  
疏散金陸賈分素慈明八龍禰衡一鷄不占殯車  
子雲投閣魏舒堂上周舍誇上無蓋如漆姑射若

冰邾子投火王思怒蠅符朗皂白易牙淄澠周勃  
織菴灌嬰販繒馬良白眉阮籍青眼黥布開闕張  
良燒棧陳遺飯感陶侃酒限楚昭萍實束皙竹簡  
曼倩三冬陳思七步劉寵一錢產范五袴汜毓字  
孤都鑒吐哺苟弟轉酷嚴母掃墓洪喬擲水陳泰  
掛壁王述忿狷荀粲惑溺宋女愈謹敬姜猶績鮑  
照篇翰陳琳書檄浩々萬古不可倫甄斐煩據華  
爾曹勉旃

辛籤十六章呪之一

唐音統籤卷

九百六十五

諸經章呪上

太極真人頌

以下出度人經趙琦美云度人古經止三卷諸品六十卷

後人擬益舊云北魏寇謙之撰今觀諸書一畝用唐人事其出唐人筆者不少矣

神雲煥層虛梵羅屯碧霄元始九龍駕皇人按青

輶靈光集萬真珠景開陽寥出示靈寶篇福德由

是招洞玄隱高嚴玉音泛雲璈无量匪得思道海

生波濤法義同涓流滋植成嘉苗用以拯饑窮教

興衛中朝帝尊壽億年太平滅兵刀稽首望玉宸

靈華散金毫

唐音統籤

卷九百六十五

辛

紫洞仙王章

暉<sub>上</sub>紫微眇莽八維化形御玄周  
闕靈圍天河灌  
津杓昂魁低玉璫繁明大珠小  
璣群星搖光隨指  
帝旗安座紫宸流金回暉朱烟  
洞開火精馳中  
有老人絳章雲衣升我玉京下  
觀鬱儀徊風煽  
合景希夷日童混珠照映中規  
騰輝億境二氣合  
離道秘玉真厥諱淵池手執長  
戟腰帶瓊鉞左  
右衡丹蛇玄龜賜我度人上清  
同歸

太一真君章

我推天策福在帝室萬國歸命  
車文混一昭<sub>上</sub>大



星奕<sub>上</sub>素光中經紫宸下臨玉房爾神毛頭爾兵  
阿傍太一合符東魁履罡舛馬綠留脂車極賴不  
陣而功太一莫力金童伏旆玉女捧漿卜禪酌誠  
五福湯<sub>上</sub>壽我帝尊來天百祥民人樂歌時維平  
康雲飛碧茫珠露玄霜瑞答普天我道其昌

飛仙詠元始立極章

眇<sub>上</sub>視大無諸天宗虛皇龍漢既已往冥<sub>上</sub>度延  
康天地迢鴻濛八垣藏精光三界皆化消生靈遂  
渺茫獨有極道境群有無天傷赤光開玄圖真文  
散十方妙炁降清微飛輪結玄綱靈寶育三景萬

化復恢彰玄符鎮五山世祚永無疆上聖坐圓羅  
常居大福堂正統皇極道永以付真王

大魔讚說經昭感篇

上聖弘至教洞陽羅簡書十過演靈章群品皆昭  
蘇妙道無窮極憶天藏一珠仙真慶無乙玉虛受  
玄符赤文煥碧霄祥烟滿空浮大地發珍竒騫樹  
生瓊琚鳳麟降世間玉芝秀庭隅萬邦獲昇平玄  
理從此敷

真人告顯瑞符應章

元始居王清生育三景根分炁下中天斗極為至

尊端坐朝八維下應於人君人君順天道嘉祥隨  
德生地出長生籙天授玄景文山川浮秀氣災消  
五穀登群品盡歡悅稽首荷玄思

金科定籍章

鳳車舞空輪停駕鬱山阿却伫立大空須延啟三  
華元聖閱章籍空中召靈魔本清難可度輪轉如  
塵沙惘此去來際飛仙運謹歌蕩々龍漢基玄嶽  
高嵯峨萬靈會帝所東井貫天河濁境逐業緣沉  
淪將奈何誦此清微篇正氣蕩邪疴三界諸天民  
齊奔濯耀羅願爾道果成刻石上金科永契長生

理億齡焉足多

聖境真仙歌

圓羅包玉虛高峙大有宮  
鸞林覆諸天九聖步靈  
風宴景挹華明逍遙太无中  
下遊洞玄境控御飛  
天龍三十九道君朝禮虛皇尊  
大慈振法音聖澤  
常蒙勅印啟天關敷落三景文  
玉詔下鄮都拔  
度長夜魂鬼官停考對陽光燭九冥  
三塗息苦役  
八道運飛輪群品保長年世上永安寧

大赤天為太清仙境章

神氣浩々純陽發炁真火鍊之赤玉為天火色未

靜大赤有名火去真存寥々太清丹瓊為闕紫雲  
為庭幾々大赤上連玉京太上黃衣汎景流鈴左  
命龍駕右策神虎風雨前導鍾鼓後部三界諸天  
叩首祈度大赤靈文高靈咸慕

靈文神化真王歌

玄氣如破縷乘風類遊龍飄々飛太空九陽生其  
中無然大赤色屈曲斜方弓結空乃成字靈文體  
高冲皇人按紫筆究與天真同符書策萬神度人  
功無窮此能起心信佩服仰霄穹咽服召元氣王  
津自流通胃池生絳烟骨節磨青銅六丁來奉巾

變化幽冥宗嘯歌升太清神行本無蹤

玉明真王歌

九天如壘倚此仞臺蕭羅寶層玉闕對開華房藥  
宮含珠吐茸丹碧萬縷光纏六龍玉明蕩々中包  
九清號曰虛皇不夜之庭恍若為真當證無形神  
通變化惟意所成捨此生死岸上升崑崙丘日月  
如跳丸安能使人憂

无色界化生天地隱訣

欲色既盡无色見前恍惚空洞中隱萬天无色意  
存意真惟精意召即至五辰三弁日精月華光耀

生根方寸神宮宮羅玉真心火九陽鍊骨成金上  
極見上下極淵源火令急速飛龍八巡自陰自陽  
化生隱存天地大鼎水火中分不知生端見道無  
門生從感悅神炁至精霏々瑞露誰治羣靈三界  
安立大漢渾淪乘龍飛霄羽蓋青裾

太一元精太空音

三界未造天地無名十方皆空々亦寓稱不識道  
祖以空述形空為無有徧處混成一切衆生但知  
上名為空所隔不見道真不知空者空非本稱認  
空遺道著空滯聲不知其空所空無形無形者何

是真土、精不知真土、妄認為空、性頑慢何緣物  
生、故知三界萬天九清玉京大山鬱羅高臺不能  
自有因土乃生土、名真空、出生萬化、離空求真、皆  
是幻假、勿取此空、自障其目、拂空翳除、真土露形  
蕩、道體無所不成

太一元精真玉章

高上神霄去地百萬周回八方真遊降眇神霄之  
境、碧空為徒、不知碧空是土所居、此非世間陰濁  
之土、獨能植生、歲除月更、春至則復、遇夏乃繁、况  
此真土、無為無形、不有不無、萬化之門、積雲成霄



剛炁所持履之如綿萬鈞可支玉臺千劫宏樓八  
披梵炁所乘雖高不巍內有真主神力固維太一  
元精世不能知

太一元精真王歌

朝登太元阿夕宴天河源人間已再劫閭風春正  
鮮星羽整巍冠轡龍御神風霄程不計里紫雲但  
瞳矐玉女憂鳴庚清音自寥々喚此浩劫迷爽塏  
登雲濤香烟起綠窻赤錦迴紫霄翠色竦長樓電  
旗隨雲飄彩虹展瓊梁萬仙舞靈謠世界量三呼  
真土所淪陶不知道德母委聖奔蕭翹哀此塵中

流歌此撫雲璈

日精陽明真王歌

丹霞飛紫烟瓊輪湧明海扶桑凝金芒萬古色不改故知為神丹吸精滅死漬哀此頑滯仙鍛石漫成塊胡不引龍轅運液落珠貝穿節連百關貫絡破冥昧咀雲碎紅瑤飲景以神醉

月華陰景飛空音

六合皆空初無一物空忽自嘘炁風轉足風號剛風炁為元炁如黑霧風鼓而聚化為黑月遊汎無所黑中生赤炁為日天地華寶月為日根十

芒徧出五色流津月華陰景萬靈仰尊

月華陰景真王歌

神風駕明月世界隨雲行不知萬樓閣玉棟虹霓  
生天后服黃綉曳環響蔥衡光分九天上十龍馳  
素英上學仰神廬引華含至精易骨三洗腸神霄  
刻仙名腦血自充溢陰景延遐齡玄露生海環真  
水來杳冥南宮度七祖北都消罪嬰逍遙乘飛車  
奔造廣寒庭浩劫留芳顏千載無愁聲故知上真  
道妙化生群靈我歌太清下俯輪驂玉馬金波漲  
天來秀色若可把月將滋百神再歌調再陳

耀靈常照真王章

龍漢立劫初丹先建元園大聖玄一帝敷落飛天  
書高仙受天命正道祕清都洞章下玉京靈光煥  
八隅元尊示神變億天藏蕊珠故以常明金治鍊  
貪愛徒神金真化炁漑汪度凡軀明明無耦汚玄  
精常不枯耀靈玉景源常照成空無巍々大尊慈  
宣演開生符妙微土清旨真悟合玄虛鍊炁登種  
民玉篇從此敷

五方天尊分衛正氣空玄度命歌

我乘東霞植此雲牙南丹赤城嘯攝火兵王臺西

龜氣如龍芝玄老太一散香繞日黃神揚旛命駕  
帝閭洞空凝碧絳絃光直海色不動繁星歷上晨  
耀扶桑萬寶其昌正氣流傳出入華房中和太玄  
紅露清霜物象陶冶九醜伏藏我道惟明金斗珠  
璫

### 七星神王歌

天蓬履元一坤母啟金扉離英聲帝真回光衝大  
微巍上神霄尊駕龍耕瓊芝香氣鬱元綱靈照洞  
神池旋步雲羅上流爛散天谿二五混玄景三元  
陳玉機綜錯理皇運御氣合仙飛陰祇輔正道我

道日昌輝

召龍致雨章

大田南山誅葦拔管深耕遠耘度此歲寒彼土如  
石堅不可索欲觀有成天愛其澤爰醲醴潔醢  
皇壇青龍銜符山隴潺湲赤龍銜符飄雨班班  
白龍銜符杭稌早繁黑龍銜符積倉如巒黃龍銜符  
雲溪雨濶十方龍君憫此下民誠感三天恩霑八  
垓

止雨請晴歌

水官弛禁不鎖雷城鬼盜其車輪墮其餅強龍未

馴泄雨霖霑雲霽原野鳥集狐驚頑石有苔枯桑  
出耳田夫咄嗟困徹其底日匿于天龍背生烟不  
知世間茅簷湧湍道勅玉文止雨請晴陽光晨發  
野馬如蒸海嶽澄霽萬谷藏雲乃闢我田乃築爾  
廬日靜風和生類以蘇

晉濟真人勅誡鬼癘章

夔龍蒼甲十丈鋼鬚日食萬鬼邪癘无餘按籍考  
追神吏斬誅爾何老氣假形妄謀入人血脉塞彼  
神廬夢想所通意感陰靈爾不自悟坐與物矜名  
書此報對无停

長生大聖振拔跛痾歌

千尋碧山萬旗飛火虎兵控弦河侯鼓施大神騁  
雲星流雷過俯視何人起而復墮邪注骨萎筋癰  
冢禍敗風廢手足賊鬼成曳輶不知宿業因真心  
汨流塵貪嗔信癡緣殺命祭鬼神死入玄沙牢億  
載豈得伸商當悟道奧妙玄生爾神自然無死生  
永為上清人逍遙學無為至陽續窮薪

玄明洞淵飛空音

真陽無形憑玄明生玄明真露氣嘘乃成太空無  
邊元氣騰烟氤氲迅飛水降如泉浩亡其聲洋洋



積淵炎風入水自然蛻蛻數經九層鱗角乃全倏  
忽變化入地通天口銜雲雨身如玉蛟叱電吐霧  
雷火之仙經營萬物開導生源玄明之功神龍為  
先洞淵溟海注納百川一水為祖中會五行人身  
法象神池淨霏震氣為龍游泳三四飛伏以道世  
壽億千無量度人吟此洞篇

欲界飛空迴生音

太空之中無有內外一榮生光寔此天地天地有  
生榮光為神已立成氣已亦無形無形無名化生  
三清乾坤萬類以此得生能保此生已來無蹤天

道貴生鬼道貴終亡盡其氣不終其神亡無終始  
和以夫均自然迴生死壞不經死者神遊胡不留  
神亡其可留生死俱濟屍形委亡見性忽無見無  
所見與真為徒骨有玄空氣入如風歆然神至笑  
語形容此道維何以意合玄亡通意感自然而然  
靈文迴王箒萎屍返五官執契告司命沈冥立生  
還

色界起死長生章

赤扉景霄上環日流紫煙中有綠衣人吹簫乘白  
蓮稽首玉清王校籍徵萬仙執籍招九魂秉策開

八閔命窮呼帝皇寶杖指神還延生佩黃縷赤書  
鬱欄斑七魄八葉房玉女啟瓊軒羽蓋羅太上青  
龍遶烏鵲白雲迴絳宮靈光舞胎仙命魔塞寒池  
誅好瑩奇泉滅形無常鬼恭誦大有篇百神守太  
玄流珠響珊珊靈津濯枯枝柔條翳蘭鮮真氣洒  
八極玉骨同蛻蟬上道貴簡妙秘語寧輕宣

無色界高上神霄玉清王歌

眇々玉闕碧頂在上梵氣如何流演八天鳴湍寫  
鍊沸濤絞雷我氣矢衝萬物生回三界有生俱承  
妙氣黃粘金液山橫鼎峙賦其巨者高真仙王與

其細者公侯佩瑞研丹比豆玉京俄就日月交飛  
我命長久疊已繁生握珠自得不知太空玄道是  
則化機不運三界休息真一未明五行爲賊顧彼  
嗟我風謠空歌咳笑浩劫神都可過我位上皇萬  
變玄中惠兆絕命九竅互通返屍生形致天六龍  
至陽若無有感和忽玄同

無色界玉清王空洞歌

梵無無已玉清鬱羅下直神丘環迴海波七劫金  
山萬天瓊柯日月西曜浩劫經過吹則陰生呵乃  
陽至香風紅雨寶樓瑤址元始流精壘雪積酥遇

火成液鑄被玉京巨山崇石北兆泥丸內蘊黃赤  
天潢奔注尾閭固塞洵七洪濤湛有天德北兆脊  
節內有九真白雲涌七神風八回短英青巾御氣  
成雷玉女吹笙五音勃興七情帝笑道有至精無  
形無名化尸與受形仙錄書紫靈歌北空洞歌至  
理升無名世不悟真道轉輪更復多去來何幾數  
永沈慾海河

卷終



辛籤十六章咒之二

唐音統籤卷

九百六十六

諸經章咒下

大洞神慧隱書

玄景散天湄清漢薄雲迴妙炁煥玉晨丹霞映紫微  
諸天書靈彩流霄何羅七神燈朗長庚離羅吐明輝  
四嶺帶高雲玄精廢八垂三素放高虛蘭闕披重扉  
金墉膜玉清靈秀表天幾風生八會宮猛獸騁雲馳紛  
七三洞府真人互參差上有千景精冥德高巍七太一  
務猷收執命握神麾正一履昌靈攝召萬神歸公子翌  
寂轅洞陽衛玄機明初合

道康龍與正徘徊七景協神王懸輪萬妙階體矯  
玄津上飛步絕嶺梯披景入神止璀璨振羽衣冥  
摠交雲會飛景承神通青峰無毫薈綺合生絕空  
金華帝靈軒翬翬高仙翁萬壽乘虛散薈藹玄上  
窓中生合景君九帝昌上皇明輪映皇寧羽珠耀  
玄陽天精元素炁中五號養光結即始生神九真  
合成双妙景啟冥數順感標神蹤泥九洞元光運  
珠正絳宮元陽部命門三神攜紫童拘制招上歸  
夾闕侍明窓翳蔚對啟門圓華煥三冲方盈引接  
生反老回嬰蒙聽粲麗九天綠轅遶丹房蕭乙經

靄表曲降寢華堂游宴盼萬寔歸會神霄王仙道  
樂子生鬼道樂子凶但聞貴生道不聞鬼道隆瑤  
歌參天炁貴生元正章神慧命朱兵五帝符寒鄉  
伏旂攝萬魔瓊文檢北鄴體解自然道妖滅非爾  
功汎景鼓長翳含靈慶霄峰俯盼四謝飛天劫永  
難終妙中生真景迴輦若遲已意合存冥感撫提  
高上奇翔翅期妙會洞觀誰與齊嘯叱咄嗟頃倏  
忽歷九圍攝炁反交初併景幽玄棲三素者三素  
牧大一名履昌炁玉帝君字也公子無英公子也  
洞陽君石白元神名也理明初中央司命丈人名  
也孩道康命桃康名也合景君瞻中八真名也九  
帝昌上皇泥九真名也明輪肝中四真君也黃



寧精血三真名也羽珠胃管二真名也玄陽左腎  
七真名也天精心中一真名也元素無英公子名  
也養光子脾神名也洞元君泥丸君名也運珠心  
中丹元君名也元陽昌命門下元七王君名也紫  
童太微小童名也拘制九元真男名也上歸望一  
魂女名也弱蒨紫素左元君名也啟明白素右元  
君名也圖華月神名也方盈月中桃君名也接  
生日中司命名也神慧心神名五帝腎神名也

大洞內鍊玉章

青童大道君東躡搏桑雲心傳大洞首靈章繫符  
文琅玕瓊玉音清響徹帝閭哀憫人間世滅魔絕  
妖氛惠我清淨光弘濟照無垠有如蒼胡頡運度  
玄中人五府生華采九元常鎮身虎服攝衆邪龍  
旗召百神離羅吐白炁開朗高上晨太一雌雄混

七真陰陽分暫詣六淵宮再迴九光輪永壽無終  
劫太初長為鄰元君號紫虛乘鸞謁玄都手持大  
洞經錯然鳴瓊琚分章三十九嘯炁寫靈符召攝  
生身神靜密守所居九真肅嚴衛三元護儲胥左  
攜干景精右抱起常扶併襟樂黃室鏡心留雲珠  
游翫真陽館風駕羽明車青峰挿霄漢玄景薄天  
衢洞微根至理豁落起太無豈期咄嗟頃奮迅風  
雷俱長保為仙伯萬神伺招呼三茅句曲山兄弟  
列仙班派接魏元君金簡玉牒爛濟乚朱霞帔幾  
乚玉晨冠紫房錦帷幄彤庭青琅玕同心詣闕闕

接武登天壇逍遙躡雲漢嘯傲鳴佩環三晨散靈  
彩四海澄波瀾迅書御神虎拂衣素青鸞位登聖  
統尊消弭累劫艱呼吸九靈炁鍊造化還丹養形  
混帝室迴風啟天關道通自然質靈感來人間

三光九變經八會音

真人導引流  
精時所詠

妙道分一炁七中分陰陽凝化日月星燦然流三  
光九華含九道八色怡八方煥爛洞真體流精歸  
太芒下生淵泉宮上列無何鄉縱體後飛跡歛然  
都相忘七寶流精結混沌雜華芳嚙服九雲散此  
樂殊未央

玄絕九炁中澤嬰生太無鬱儀煥腸谷結璘耀天  
衢玉星流寶光斗極同乾樞飛炁鬱勃散嚙御方  
踰躡起跡天寶階鍊芝服華敷炁布萬神簡恭形  
昇太虛

浩鼎生法炁氤氲凝玄中丙曜共澄澈五緯交相  
通三光煥已明寶炁盈三宮帝鄉會九老嚙服百  
骸豈金華照光鏡身與日月同念道上聖前萬劫  
壽無窮

玉陽正真炁妙道三景分玄和唱靈音八會敷瓊  
文五老宴丹宅飄飄乘景雲仰瞻諸天衆駕龍飲

玉津三五定生籍遊戲太上賓華光即無際攜手  
朝帝晨

引炁鬱羅外九芒結雲華七神高上道三景耀朱  
霞捧香服晨精功滿解世羅鍊化塵結盡億齡不  
爲多落籍三界連結友太上家御景控玄斗八極  
何足賒

自然至真道妙極玄中玄萬天朝玉陛九老參華  
軒三光有靈炁所度惟聖賢勤行導仙業燕御春  
華根神形合三象渺口歸本元皇鳥翔十天飛舉  
不顧還

過日三天上落已九玄臺真童採芝集玉女持花  
回天賓挹仙客俯仰昇瑤階天河處東井寶炁縈  
空來嚙納漱瓊津北劫不復衰矯首三清路振衣  
何樂哉

至矣上真道妙哉靈寶章吸景導五星嚙漱存華  
芒流精灌百體皎晶凝雪霜洞達照內外滓塵都  
消亡豐肌不復老契此名定光永宴太明館斯為  
不夜鄉攝跡歸本根九轉凝真常

生神九炁章三首

混合空洞炁飛爽浮幽寥延康無期劫漸已離本

條苦魂沉九夜乘晨帝陽翹大有通玄戶鬱單降  
晨霄黃雲凝靈府陰陽炁象交胞元結長命惡根  
應化消桃康合精延二帝秀玉飄灌溉胞命門精  
鍊神不凋九天命靈章生神亡自超元君過死尸  
司馬誦洞謠一唱萬真和九遍諸天朝稽首恭劫  
年慶此榮舊笛

須延總三雲玄元始炁分落亡大梵布華景翠玉  
導明梵飛玄景開度長夜魂遊爽赴期歸炁亡返  
固根大帝號陽堂字曰八靈君九閤回祿道胎炁  
生上元陵梵度命籍太一輔精延泥九數帝席三

都八景分魂生攝遊炁九轉自成仙琅玕九天音  
玉章生萬神三遍列正位炁參八辰門玄關過死  
戶靈鎮津液源應會感靈數明道潛回輪慶此嬰  
兒蛇稽首讚洞文

清明重霄上合期慶雲際玉章散冲心孤景要靈  
會煥落景霞布神矜靡下邁玉條流逸響從容虛  
妙話靈音振空洞九玄離幽裔感爽無疑滯去留  
如解帝明識生神章高遊無中敗玄景曜雲衢跡  
超神方外應感無方圓聊以運四大研心稽首誦  
衆聖共稱快



諸天靈書度命章

東華吐靈風西宮和琅音二氣結空洞太虛中生  
心靈書披長條寶文翠碧林鳳歌通天響六時應  
節吟上有度命童拔夜朗長陰萬劫保形明眇亡  
莫能尋長錄不死年與運同浮沉日月照靈魂璇  
璣迴東南九星落形影寶華生五心自有不凋神  
與我契丹金赤書檢精炁玉訣妙自深朱宮有籙  
籍百魔莫能侵

絳雲翠玉虛靈氣拂太微遼亡六氣除眇亡吐靈  
暉乘我日中影振雷順天迴朱童拔靈夜洞陴鍊

落暉玉章度促年靈歌五神間長魂無絕景一念  
八九圍億初赴遐期華命不凋衰飛天披重閣南  
宮朝幽機朱陵定絳籍神伺使形飛七祖上生天  
福德高巍已輪轉空洞魂出我九玄扉夜景披朝  
陽飄已乘運歸

崑臺生琅音玉氣逸九冥寶章洞太虛躋真入無  
形錦雲翠朱日圓華逐月生混合自然氣遼已九  
遐清六慧純梵行五神招高靈絳宅曜朱童太一  
合黃寧保命度符籍鍊魂金華庭自歸不死炁飄  
已乘運生七玄人南宮朽骸更鮮榮長歌樂雲浮

窈窕戲綠軒逍遙大羅外三界莫能輕

飛步入北清祀真招上元乘景望玄臺四宮生錦

雲中有採生童太一上帝君十聖迴輕蓋羽衣何

紛已長執九命籍金錄赤書文十絕統華庭飄口

度命幡綠蓋乘風迴丹霄拂靈軒爲我造上宮拔

錄九夜門度命朱陵關長保億劫椿留神營絳府

赤子明三閔形受不死氣自然生寶魂七祖度南

宮世生福慶門

九天琅書瓊文

太霄空洞氣結氣成雲營我王挺神匠有化若無

形無形中有真有真無中生眇莽玄虛上蕭七元  
始精法景朗妙覺玄運來相征列宿羅玉宇飛霞  
超綠瓊煥落三晨曜流光鬱紫清攜衿玉景臺解  
憩戲鳳城迴霄登九嶺以啟不窮齡誰能同此遊  
可來尋余名余名甚易知安在東華庭自可超玄  
都精微思帝靈棄去雲外念專一守黃寧披誦太  
霄章三閤自當明玄降徘徊輦虛造飛霞輶九天  
雖玄渺妙想安爾形贊單無景天  
靈運啟空洞金真秀瓊胎法景太寂庭玄化自相  
推歷劫淪九冥典真契幽期三晨告元始運通自

來綏匡漈明霞上流精耀玉枝顧盼無中有混合  
似嬰兒父寧與母精逍遙戲鳳臺落景遊雲房獨  
妙誰能知合慶離羅門解袂紫霄崖若欲相尋索  
精斫琅書辭迴轉瓊文章天王自當知洞存帝一  
尊以為求仙基絕念棄外想常使心神爽精感致  
真降鬱然煥羽儀拔度七祖根咸同登雲階玉章  
映高靈瓊文難尋思二妙以相和各稱本不齊子  
欲戲九玄但誦太霄書萬劫在俄頃勿憂天應遲  
解善無  
量壽天

澄清無毫穢結氣成紫暉丹霄映監天羅布迥南

迴三晨明列宿七轉朗太微靈風迅奇香玉籟聲  
何悲神鳳翔瓊林群仙振羽衣天王乘運征握節  
總萬機虛輪振空洞遼卽九天扉攜提霄中賓解  
衿入瓊幃敷爛扶晨氣耀羅煥玉階陵梵映朱日  
千景翌靈輝飄々元化內玉輦正徘徊公子命虎  
符總攝萬神歸拔滅七祖根窮魂皆仙飛琅書慶  
雲庭瓊文淵虛微精研道日鮮億劫靈不衰萬化  
隨運遷乃知妙者希

梵監者

宴景太寂鄉迴風迅瓊輪丹霄翌綠輿神公輔帝  
尊翳々九玄化離々開趣門徘徊金羅上嘯歌慶

靈雲三唱即玄覺五迴道乃分金房煥差哉流精  
何紛々左顧見無英右眄觀白元履昌度黃籙太  
一挺命根為我記仙籍授我度命文清唱運天真  
靜思理百閑帝一鎮靈宮法服飛青裙相與契何  
計合會九天端有日若無期皇華正四國至感棄  
餘念道從玄中傳靈感各有運至幸故多全寂然  
空中生紫煙鬱勃翳華宮流明順運迴丹霄朕綠  
房翌輔虛中景耀靈煥十方萬帝由真運莫若九  
天王體結自然秀含氣挺虛宮理化止四維號為  
衆帝宗落景乘八煙總純輪空洞朝遊西臺館々

憩扶桑宮攝校玄圖錄拔度青華童桃康定命籍  
明初保劫功流形無崖際萬化隨運通飛步誦太  
霄幽尋元始蹤積思感至寂以致登玄穹宿基流  
餘慶七祖返南宮五苦非所履結友在太空靈嶽  
非常宅飛雲是我龍結榴九嶺真偶景以成双何  
為坐翬穢婆娑待命窮

不驕  
樂天

高靈秀空洞凝氣結朱煙握節迴九霄飄上天帝  
真瓊臺耀巖阿紫鳳鬱玉麟靈歌逸幽宮蕭條雲  
上人攜契七映房金羅煥中田天王正有九飛仙  
有億千洞陽鬱靈標為北度命年丹華即來日流



芳觀兆身仰歌月中漿九源降液津永保不終劫  
內外洞虛鮮積思惑太空洞得無極淵形與混合  
同遊宴莫能旋化應聲天

三晨即幽夜流霞耀金日丹房煥嵯我靈香統瓊  
室公子合慶堂履昌攜帝一三元混合宮微言甚  
幽密兆欲度命年靜思無雜正寂若雖云無真從  
空中逸慶加靡不周七玄自蒙拔積福有重基宿  
根咸消滅瓊文有妙章斯篇慎忘失存念至靈諱  
道降同玄一楚賢天

九玄動元氣紫素凌玉霄靈秀煥金門神融茂瓊

條豁落紫虛館慶雲隨化消淵響叩靈機法鼓振  
太幽宴景玄晨闕流迴薄靈飈匡霄九天外運駕  
以逍遙徘徊紫霞峯容冶玉皇朝萬劫不俄頃儵  
歟二象交虛庭無稽逮去來順運寥大化不改度  
三晨洞靈標琅書慶神室瓊文理清謐合秀自玄  
挺反容非華翹

梵摩迦  
夷天

玄氣結九霄紫虛即太陽飛瓊凌華芒流精凝玉  
霜天真乘運迴薄雲茂玄梁冥會自相感丹霄映  
輕行幽期高晨府攜契朝玉京靈化冲漠裏寥々  
冥運彰流芳翳朱日迴風迅奇香煥爛金門上瓊

臺吐玉英蘭芝盈玄谷仰咽六冒昌神逸感寂宮  
幽思徹洞鄉執契太霄館歸真瓊文章

沈梨答  
想天

神仙躡虛九天圖章

蕭々九天氣清澄自高玄慶雲翳重虛金闕承紫  
煙中有太極宮道君羅大千青林彌衆梵十方並  
飛天南陵福德堂四坐皆清賓散花慶我願逍遙  
無波津

天地運度經頌

張氏著鵲鳴識緯金馬未反白相中傷安衿不解  
帝官兵悉竄走賊彊日凶大九重雖衣裳宮牆時

了壞荆棘當庭生王侯沒虜賊妻婦亡異城使役  
無時泰衛賈諒可哀千載豈復會未若早奉道宅  
志雲霧際

我唯年衰時百病皆當經水消而火起灾衝解其  
形百骸生分離大劫要當傾吾故畏是痛求道願  
長生去此塵中累會被至寂貞靜惠度八難逍遙  
竟何營

九晨玉經飛行羽章

按霄玄羽臺飛行九元所洞虛深幽邃雲網垂空  
舉下有採真士仰照玉宸府三周陽明上九迴入

洞野高步登帝尊長歌龍飛語

九晨玉經步綱咒

玄上太微北極紫蓋下有太真遊翔九外翠華飛  
裙金鈴青帶腰佩玉光玄雲奄鵲賜我隱書上行  
七氣登清戲煙真人合會乞丐飛仙書名丹室所  
向如願無灾無害有惡我者令彼傷敗

上清諸真人授經時頌金真章

宣盼太霞宮金闕腥紫清齋戶映太素四軒皆朱  
瓊擲輪空洞津控漻憐綠軒玉華飛雲蓋西妃運  
錦旂翻然塵濁外儵歛往人庭宿感應期來所得

已在冥乘風想九霄甘醅丹華嬰顧謝世物予安  
知無中靈

北登玄冥闕攜手結高羅香煙散八景玄風鼓絳  
波仰超琅玕津俯盼曲岳阿玉簫雲上唱鳳鳴洞  
九霞乘氣遊太空曷爲翻山阿金節命羽靈微兵  
摧萬魔漱挹圓景暉積椿方嬰牙紛々趣競中不  
解可柰何

北壑鬱霄藹絳樹結紫華青蕤落鳳林碧柰秀巖  
阿靈闕凌太空瓊房參太霞雲興曲室內八風飛  
冥沙九絃彈帝牖龍嘯唱節和扇飈五岳領握節

徵萬魔顧盼須臾頃忽然椿已過哀哉朝生者安  
知齡紀多

隅景希林宮運神冲漠幽至觀映六虛大小盡逍  
遙龍吹纒五雲虎嘯駭萬條三素成高圖丹霞蔚  
晨霄羽旂橫靈津紫輶飛華翹控轡九天外俯仰  
自寥已塵沫結器機神喪氣亦彫奚不尋遠御八  
千乃一朝

朝濟碧海波飛輪辭綠房高唱疇冥反扇蓋越滄  
浪三契玉霄賓五期東華童羽飈升帝晨宴此廣  
寒宮八宮虛中彈紫鳳唱靈風絳霞過明曜八景

飛太空咀嚼瓊泉津浩秀還嬰蒙至樂順五神年  
積劫初崇脫屣良何難勞擾喪天冲

朝駕晨景暉逸暫發紫清浮輪騁太霞揚蓋廣寒  
庭高真森帝室墉宮列西靈十絕儼空同飛煙繞  
錦旌虎旂扇神風度雲迴龍輶儼敕八方一顧  
椿已傾蕭上玄鏡子奚不尋泰生

神圃秀隱芝昆池灌瓊田盼觀玉清闕差戔臨絳  
津紫霞映帝席五雲曜九玄八風超絕宇幽藹綠  
軒間

三元舍西宮東華有佳人比冥唱七嘯明姬歌南



真撫教操朱律玉節暢八弦合契安非運俱響廣  
鳳聯同期命萬魔宅此群累十超然來何難乃敢  
不窮年

駕氣眇空同乘景想九天龍旗鬱廣暉羽蓋生八  
煙蹕輪無軌滯我馬亦無津握節入東華夕宴玄  
閭巔東帶攜五靈解衿翹良人冥感自適運沈默  
亦有緣俱載凌厲翻一扇動億千

絳景淳玄晨紫軒乘雲征仰超金闕內俯眇西華  
城東霞啟五暉神元煥七靈翳映記三燭流任自  
齊冥風鼓空同宇香煙散玉庭手攜織女儷双衿

絡錦青左袖交羽旗華蓋隨雲傾宴寢九度外是  
非不我營抱空泥丸內天姿愈日嬰豈同憊穢中  
慘亡無聊生

扶桑翠空峰朱雲葩微明浪臺霄虛上四觀映高  
清飛景控紫輪三素嚳丹輶偃寢太帝館噉嘈阿  
母庭濯足碧瀨波提攜玉醴甕曲晨乘風扇飄飄  
時下頌慙適圮藹中迴駕記良貞玄會自相要流  
浪任幽冥始知榮辱辛方悟憂促齡曲室可清靜  
順真待日誠何為講當塗百病從是生

請雨小木郎神咒

乾晶輝耀玉池東盟威使者名青童擲火萬里坎  
震宮勇騎迅發來大潑木郎太乙三山雄霹靂破  
石泉源道坤震翼戶皓靈翁猛馬四張歛火衝流  
精營光奔祝融巨神太華登雲中黑幡皂纛揚震  
空掩曦蒸雨屯雲濃闕伯撼動崑崙峰幽靈翻海  
玄冥同馮夷鼓舞長呼風蓬萊弱水吳都功龍鷹  
捷疾先禦兕朱鬣巨翅及目彤雷電吐毒驅五龍  
四溟變雞羅陰容一聲四海皆昏濛雨陣所至川  
流洪金光流精斬旱虹洞陽幽靈召靈霄玉霄皓  
師變崆峒虛皇太華掃妖熒群梁玄皇號前鋒祠

泉恣廣威天公歆火律令翻穹窿鞭擊妖魅驅蛇  
蟲勾婁吉利災赫蹤登僧澤曠悉聽從織玄四歌  
心公忠輔我救旱功勲隆赤雞紫鵠飛無窮攝虐  
縛崇送北鄆

辛籤十六章咒之三

唐音統籤卷

九百六十七

黃籙齋儀章咒

金允中云自劉宋陸靜修撰

萬福復加編集至唐成先生杜光庭遂撰  
經誥箇造科儀章頌籙齋典格由是大全  
後世莫不遵用張字初云三籙之說黃籙  
士庶通行金籙帝王所建玉籙則后妃用  
之

啟堂頌一首

勤行奉齋戒誦經制六情故得乘空飛耀景上玉  
清精心奉經教吐納鍊五神功德冠諸天轉輪上  
成仙

衛靈咒十六首

金真綠霞煥映三天飛雲丹霄諸天控輶晨輝啟  
旦陰翳俱蠲九微震空五星回旋萬仙應感自然  
妙玄杳冥散景分形億千寶珠光耀瑞降壇乾生  
死蒙惠灌鍊金泉魔邪恐懼合景三田

謠歌空洞帝君守壇五帝校錄受符三官備衛回  
門束魔去姦流鈴擲火除穢焚殘身佩金書鍊液  
芝顏玄虛素合心動三閔騎龍跨鶴控虬乘鸞衆  
星守舍千魔不干道炁常存萬仙永安  
神光即耀瑞炁帟旋箕斗澄輝芝宇晏然玉眸金  
真寶壇純乾變夜作晝回子午前太華流彩丹鳳

飛轅息魔滅姦高步祥煙天真並集齊到帝前  
五星虛映煥景神庭包羅無象合炁羣靈潛形香  
默周遊五經揚威耀日役使甲丁却妖除禍滌穢  
消氛鬼魔恐怖龍虎飛奔紫雲交覆萬炁齊并  
黃中策炁斬馘妖踪遏絕邪源制斷魔蹤太上符  
命召制神功萬靈斯格却禍除凶王炁三輪洞運  
真風紫戶含瓊太度無終左命青腰右攝芝童逍  
遙磁景總御九空玄壇應機乘炁虛冲萬真晉降  
濟度無窮

金真空降神虎檢營玉帝被霞諸天命靈九晨回

駕萬魔束形九微逆烟神威攝精流金擲火百惡  
消并神輝耀夜洞香長春聖道蕩亡十方肅清保  
制劫運元亨利貞

天書敕羅下眄太微元化生成雲烟九回八景六  
周至運所持左賓赤方右啟帝扉東華南府滌鍊  
辟非回輪日照轉眄月暉今日大慶萬道同歸玄  
壇正炁保天無衰普告三界驛龍風馳

元始虛皇集炁居中三境洞香肇生穹窿七轉九  
虛混合回風變化萬神天地開通吉日行道萬魔  
敬後晨輝朗照默運元功執節建麾散花太容十



方普慶劫運無終

玄陰七靈九炁合形魄精魄爽二景回輪飛光赫  
奕煥耀長春日月吐輝回合華英大梵流布奔飛  
火鈴魔王受事朝謁帝京含灵普濟廣惠幽冥玉  
文敷告萬炁騰昇

青陽虛映曜日回灵神虎辟邪飛天流鈴摧奸滅  
穢萬魔束形九微迴道八威攝精千真校錄三元  
蕩清左嘯中黃右策六丁七轉八合周旋天經聖  
化觀二道順行慶雲流布合景黃庭  
丹灵米火炎霞激風赤輪剛運天光八衝迸威包

羅交變萬方流金豁落詳魔滅蹤辟奸破妖明耀  
元功金符召制攝雲策龍謠歌慶會散花太空神  
化冥運四極安隆伏御帝前罔有不恭

五星高曜瑞炁飛浮元始集神天地交周玉符寶  
節嘯命微幽擲火揚威奸凶無留萬魔振伏紛葩  
却消羅幘伐惡道炁同流神先照夜陰翳俱收萬  
仙降格扇景乘飈群生咸遂惠遍神州

晨精卽曜紫烟御空星壇煥映變化雲宮日魂月  
魄離坎盥中金真嘯禽神虎辟鄧吉日行事八威  
鼓從玉華羅敷徘徊飛虹天光不眴道炁豈陰金

灵普濟流慶無窮

五星列照煥明五方水星却災不德致昌熒惑消  
禍太白辟兵鎮星四據家國利亨名刊玉簡字錄  
帝房乘飈扇景飛騰太空出入冥無遊宴十方五  
雲覆蓋招神攝風役使萬灵上衛仙翁

孟章建節灵光執戈監兵束妖執明消魔黃中總  
治勾陳騰蛇奠鎮五方掃穢除邪金童披香玉女  
散花氣凝日彩神運月華灵寶混合萬象森羅藥  
珠虛白妙道巍峩衆真監度是謂仙家  
五灵列位煥鎮五方始皇護魂丹老衛形皓灵侍

魄黑帝攝生中央黃帝統御萬真元皇誥下幽夜  
開光罪銷北府名列南昌金籙定籍玉字除殃朱  
陵鍊質飛神太蒼三宮九府無極神鄉普受開度  
上生天堂

步虛詞二十二首

稽首礼太上燒香歸虛無流明隨我迴法輪亦三  
周玄願四大興灵慶及王侯七祖生天堂煌煌耀  
景敷嘯歌冠太漠天樂適我娛齊馨無上德下仙  
不與情妙想明玄覺說上乘虛遊  
旋行躡雲綱乘虛步玄紀吟詠帝一尊百闕自調

理俯命八海童仰拱高仙子諸天散香花蕭然灵  
風起宿願定命根故致標高擬歡樂太上前萬劫  
猶未始

差我玄都山十方宗皇一宮上天寶臺光明燭流  
日煒燁玉林華清瑩耀未寶常念餐元精鍊液固  
形質金光散紫薇窈窕大衆逸

俯仰存太上華景秀丹田左顧提鬱儀右盼拱結  
璘六度觀梵行道德隨日新宿命積福應闡經若  
至親天挺超世才樂誦希微篇冲虛太和氣吐納  
流霞津胎息靜百關寥々究三便泥丸洞明景遂

成金華仙魔王敬受事故能朝諸天皆從齋戒起  
累功結宿緣飛行凌太虛提携高上人

控轡過十方旋憩玄景阿仰觀劫仞臺俯瞻紫雲  
羅道遙太上京相與坐蓮華積孝為真人恬然榮  
衛和永享無期壽萬椿奚足多

大道師玄寂昇仙友無英公子度灵符太一捧洞  
章舍利羅金姿龍駕倏來迎天尊時雲輿飄  
乘虛翔香花若飛雪氛靄茂玄梁

頭腦礼金闕携手遊玉京喬樹玄景園煥爛七寶  
林天獸三百名獅子巨萬尋飛龍躡躅鳴神鳳應

節吟灵風扇奇華清香散人襟自無高仙才焉能  
耽此心

嚴我九龍駕乘虛以逍遙八天如指掌六合何足  
遠衆真誦洞玄太上唱清謠香華隨風散玉音成  
紫霄五苦一時迸八難順經寥妙哉灵寶圖以此  
大法橋

天真帝一宮謁七冠耀灵流煥法輪綱旋空人無  
形虛皇撫雲璈衆真誦洞經高仙凜乎讚彌劫保  
利貞

太極分高厚輕清上屬天人能修至道身乃作真

仙行溢三千數時丁酉萬年母臺開寶笈金口為  
流傳

大梵三天主虛皇五老尊尚難窺微妙豈復人名  
言寶座臨金殿霞冠照玉軒萬真朝帝所飛鳥躡  
雲根

濛濛如細霧冉冉曳絳衣妙遂祥煙上輕隨彩鳳  
飛幾陪瑤室宴忽指洞天歸佇立扶桑岸高奔日  
帝暉

旋步雲綱上天風颯爾吹飄裾凌斗柄秉拂揖參  
旗獅子啣丹綬麒麟導翠輜飛行周八極幾見發



春枝

綠糝魏丹幘青霞絡羽衣晨趨陽德館夜造月華  
扉搏弄周天火韜潛趨陸機玉房留不住却向九  
霄飛

昔在延恩殿中霄降九皇六真分左右黃霧遶軒  
廊廣內尊神御仙兵護道場孝孫今繼志咫尺對  
靈光

寶籙修真範丹誠奏上蒼永淵臨兆庶宵旰致平  
康萬物消疵癘三晨効吉祥步虛聲已徹更詠洞  
玄章

宛々神州地親上衆妙壇鶴袍來羽客鳬舄下仙  
官玉掌斟元醴琅函啟火丹至誠何以祝四海永  
澄瀾

水嶼魔宮懾燈開夜府明九天風靜默四極氣澄  
清肅做宋陵府綢翔白玉京至誠何以祝國祚永  
安榮

始青黎元蓋金香結珠烟飛晨總翹轡稽首玉帝  
前帝心浩以舒錫吾太灵篇是謂不滅道萬天秉  
吾權吾行空洞中下仙昧其淵

一炁化之元邈在兩儀先寶埒馳金馬真香噴玉

蓮飛空接龍響梵響導芝輶綿永長春劫翱翔無  
色天初真難曉論以此戒中仙

高真明道德垂世五千言解釋慚涼薄殫誠測妙  
元霓旌嚴教具羽唱徹雲輶瑞鶴儀空際祥風拂  
暑煩穹隆茲響應寶祚億斯年

華夏吟哦遠人聲自抑揚冲虛歸道德曲折合宮  
商殿閣沉檀散樓臺月露涼至誠何以祝多稼永  
豐穰

三啟頌三首

樂法以為妻受經如珠玉持戒制六情念道遺所

欲淡泊正氣停蕭然神靜默天魔並敬護世々享  
大福

鬱々家國盛濟々經道與天人同其願縹緲入大  
乘因心立福田靡々法輪升七祖生天堂我身白  
日騰

大道洞玄虛有念無不契鍊質入仙真遂成金剛  
體超度三界離地獄五苦解悉歸太上經靜念稽  
首礼

梵詞頌一首

衆生多障難大道甚矜憐救度留科戒咸令懺罪

緣慙辜編地府業結已闔天發露祈真祐精誠仰  
聖賢虔恭祀三寶願當奏延年焚詞歸上界奏名  
玉帝前

投龍頌一首

祈真登紫府告命詣灵壇玉女謠梵響金章奏香  
烟書名通九地列字上三天永享無期壽剋成高  
上仙

送神頌一首

眇上穹無象慙上感有情敬則承天貺泄則被魔  
精吉凶隨運起否泰應緣坐道不費珠玉神惟在

至誠丹碧盡勤若懇款竭中情自然通大聖皆得  
降明灵捻香陳所願稽首冀嘉貞天尊常寂靜廻  
心礼宵寘

還戒頌一首

天尊大慈悲說戒度衆生威德被幽顯果報感神  
灵諸天來稽首羣魔自來形過去超人難見在保  
千齡齋福行當息相共送虔誠流梵逸雲唱飛香  
離烟聲瓊鳳乘丹輦金龍駕綠輶生死皆快樂家  
國悉安寧

三塗五苦頌八首

三才及萬物倚伏各有其終始大劫數福盡天地  
傾往返於五道苦哉更以生展轉三途中去來與  
禍并

大賢慎茲戒忍世念割情愚夫不信法罪痛常自  
嬰吾念世無已今故重告明若欲度斯禍歸命太  
上經

罪福不由他諒自發爾身大賢故閉口欲滅諸惡  
根滅念歸兼忘倚伏待長泯弘道以安世終常見  
正真

淫嫉為禍首滅身之至患貪養如斯禍恐必致天

殘知惡而不革豈是道所安懷毒日齋直令我發  
長歎

宿命有信然弱喪謂之無皆欲眼前見過目即言  
悠大賢明道教慘惻憫頑夫依仁念子苦勸令  
我憂

人命已銷盡亦猶膏中火四大暫相寓五物權時  
假盛年當勤孝趣求存真我福盡身神散冥亡地  
獄下上聖畏是故尋道度斯禍

孝仙行為急奉戒制情心虛夷正氣居仙聖自相  
尋若不信法言胡為棲山林大賢樂經戒受之為



身寶就李常苦晚治身恨不早此當被幽蹟倏忽  
年已老執卷吟爾極將更死痛惱吾故及弱齡棄  
世以李道

解壇頌一首

太空包有象至道杳無形承和通妙氣應感達中  
情倏忽周八極依佈降萬灵微香陳素款委質表  
丹誠遠泛翔駕盖遐攀綺鳳旌烟宮高營上雲閣  
上亭日瓊駕出霄漢金龍入太清并露洽人家  
國悉安寧

辭三師頌三首

經法隨玄妙崇奉悉因師化欲立善者咸當礼願  
之氣專功易就心慢悔難追若能勤繫念朝夕自  
仙飛

道以齋為重法以朝為常不奉不信者焉能避帝  
卿有骨入仙品自然開紫房玄女登雲臺但見金  
銀堂是故謝三師稽首礼虛皇

岩上玉京山玄都何魏也真人乘虛步朗々長夜  
開大道由人弘心至神自歸修齋行道畢稽首拜  
三師

轉靈寶經咒

寂至無宗虛峙極仍阿豁落洞玄文誰測此幽  
遐一入大乘路孰計年劫多不生亦不滅欲生因  
蓮花超凌三界徒慈心解世羅真人無上德世  
為仙家

轉道德經咒

玄元至道宗上德體洪元天真雖遠妙近緣泥丸  
君宮室皆七寶寔踰自有分清靜當正真駕景乘  
紫雲日月左右照昇仙長年全七祖生上天世為  
道德門

七真讚八首

太上玄虛宗弘道尊其經俯仰已得仙歷劫無數  
齡觀上太真德教上因無生霄景結空構乘虛自  
然征日月為炳灼安和樂未央

夢仙絕華念上上相因積去來我神上躁靡不  
歷滅念停虛間蕭上入空寂請經若饑渴持志如  
金石保子飛玄路五靈度符籙

濟我六度行故能解三羅清齋祀太素吐納養雲  
牙逍遙金闕內玉京為余家自然生七寶人入坐  
蓮花仰嚮玄都柰俯酣空洞爪容顏曜十日奚計  
年劫多法鼓會天仙鳴鐘徵大魔

灵風扇香華燦爛開繁衿太真撫雲璈衆仙彈灵  
琴雅歌三天景散慧玉華林七祖升福堂由此步  
玄音前世福未足斯耆邈難尋信道情不盡圖飛  
乃反沈太上無為道弘之在兆心

孝道由丹信奉師如至親挹景偶清虛致七隨日  
新衆人未得度終不度我身大願有重報玄德必  
信然陰惡罪至深對衆若轉輪

孝道甚亦若晨夜逮福田種德猶植樹積善而成  
山子能耽玄尚飄爾升青天修是無為道當與善  
結緣太上至隱書名曰智慧篇拔苦由大才超俗

以德真灵姿世所奇暉若淵中蓮

人行各有本皆由宿世功立德務及時發願莫不  
從善惡俱待對倚伏理難窮賢士奉法言道亦在  
兼忘解是大智慧上為太極公寶蓋連玉輿命駕  
御九龍金華擎洞經捧香悉仙童嘯歌徹玄都鳴  
玉叩瓊鐘

踈身凌太清超景逸紫霄保無持法網遊玄極逍  
遙萬劫猶昨夜千春如晨朝巍哉隆雲華手攀寶  
林條香烟自然生玄階興扶搖灵幡順風散繁想  
應時消滅智弘大混無為仁請謠

小李仙讚一首

李仙行為急奉戒制情心虛夷正炁居仙聖自相  
尋若不信法言胡為棲山林

明燈頌一首

太上數十方華燈通精誠諸天悉輝耀諸地皆即  
明我身亦先徹五藏生華榮矣景照太無礙想通  
玉京